

مطبعة و محل اداره :

جنرال اوغلنده امنيت
مندوغي جوارنده
شكول يقوشنده
۲۷ نومرو

مستقل قلم

مسلك جزه موافق آثار

جدیدہ مع المنونہ
قبول اولنور

درج ابدلہ بن آثار اعاده اولنور

دینہ ، فلسفہ ، علوم ، حقوق ، ادبیات تاریخ ، سیاسیات و بالخاصہ احوال و مشورہ اسلامیدینہ بحث ابدروہفتہ درہ بر نشر اولنور .

آبونه بدلی

صاحب و مؤسسی :

ابوالعلا زین العابدین - ح . اشرف ادیب
تاریخ تأسیسی

در سعادتنہ نسخہ سی ۵۰ پارہ در

قبیلہ دن مقوا بورو ایلہ کوندریلیرہ سنوی
۲۰ غروش فضلہ آلنیر

سنہ لکی	التی آیلانی	غروش
۶۵	۳۵	۳۰
۶۰	۳۰	۲۵
۱۷	۹	۱۰

ممالک عثمانیہ ایچون
روسیہ
سائر ممالک اجنبیہ

۱۰ نوموز ۱۳۲۶

عدد : ۱۶۷

۲۵ ذی القعدہ ۱۳۲۹ پنجشنبہ ۳ تشرین ثانی ۱۳۲۷

بدنجی جلد

حضور عالی مشیختپناہیہ

تأکید استفتا

شریعتاب !

کچن سنہ جرائد اسلامیه ایلہ نظر کاه عالی فتوا پناہیلرینہ
اعداد ، قوت امر جلیل قرآنیسی نامنہ بر استفتا عرض ایتشدم ؛
جوابسنز قالدی . ایشته او استفتائی تأکید ایدیورم . همده ملک
خلافت محمدیه نک ، وطن پاک اسلامیتک بر جزء مهمی اولان
طرابلس غربہ آنمزین تجاوز ایدن غیر منتظر بر دشمنک بیکلرجه
هداة اسلامی . بیکلرجه اخوان دین عربی اولادلریله ، زوجه
و مادر ایلہ قورشونه دیزدیکی ؛ وحشیانه ، مفترسانہ یارالادینی بر
هکامہ فلاکتده !..

بومظلوم دیندناشلیرمزک چشمه لر کی آقیدی لان خون شهادتلیرنک
هر قطرہ سی عالم اسلامک ناصیه فلاکت دیدہ سنہ صیجرا مقدمه ، فردای
قیامتده ، محکمه کبرای معدلتده مسؤولیت و مجرمیت لیکلری وجوده
کتیر مکده . کریدده آقوب دورمقدمه اولان مسلمان قانلرینک تشکیل
ایتمکده اولدینی کولجکلر الویر ، یورمش کی برده طرابلس غربک
اسلام مذبحہ سی اولیشی اسلامیت نامنہ نه بویوک ، نه هول انکیز ،
نه خرد سوز بر مصیبتدر ! استفتای عاجزانهم : زکاة و حج ، ضحیه
و صدقه فطر کی عبادات مالیه نک شرائط و جوبی اولاز مسکن و اثنی
البدیه و خدمه سی میانده برده اعداد قوت شرط و جویسی بولونشی ،
بوشروط و جوبی صراحتہ کوسترییور که یالکز وطن اسلامک مدافعه

و محافظه سنہ دکل امدای حال و استقبالی قهر و تشکیل ایدہ جک درجهده
قوای لازمه جبریہ اعداد و احضار اولومدقجه بو عبادات مالیه نک
هیچ بری ایضا اولونه باز . لاسیا اعداد قوت ، شرط - اختیاری دکل
بلکه شرط - وجوبیدر . اعداد قوت : فرض عاجلدر . اعداد قوتی
فرمان بویوران آیت جلیلهده کی قید استطاعت عند الضروره بوتون
مخاطبین اسلامه شامل اولور . شرعاً فقیر صاییلان بر مؤمن او دم
اضطرارده غنی عد اولونهرق چینده کی اون غروشدن بشی آلتی .
قادیلره بیله سلاح ویریلارک دشمنه قارشی کوندریلیر . مسئله وطنک
حیات و ممانته متعلقدر . استیلای اعدادن محافظه سنہ عاندر . بوبابده
ممکن الایضا مرشی بلا استتفا فرضدر . فرض عاجلدر . وطن تهلیکده
ایکن حجه کیمک ، قربان لسمک ، فصل اولور؟ وطن اسلامک خرابی ،
اسلامیتک ناموس و حیات استقلالک ، لواء الحمد محمدیک دشمن ایاغی التنده
ترکی ، چکنمسنه ، پارچه لانسنه ، میلیونلر جهامت محمدک صلیک زنجیر
قهر و اسارتنه کچمسنه ، حاکمیت اسلامیه نک شو صوک شعاعه حیاتک ددسونمسنه
فصل رضا کوستریله بیلیر . سینمسنه ذره قدر نور ایمانه مالک اولان هانکی
مؤمن تصور اولنه بیلور ، که وطنی پریشان بر حالده براقسون احکام
جلیله قرآنیہ دن بی خبر اولانلردن بر چوقلری کچن سنہ بو حقیقتی ،
بوفریضه مهمه یی کورنجه تأثرلرندن کوز یاشلری دوکدیلر . بنده کزه
مکتوبلر کوندردیلر . بز قرآنمزک بو قدر علوی بر قانون مدنیت
بو درجه قدسی بر دستور انسانیت اولدینی بیامیوردق . دیه
بیان تأسف و تلهف ایتدیلر ! جناب قرآن حکیمی - حاشا تم
حاشا مانع ترقی و تکامل کی کوسترمک ، امت محمدک بر قسمی کابوس

جهالت التنده و نالتمی ، بر قسمی ده اسلامیتدن تبرید و تنفیر ایتک نه ظلم عظیمدر !
چکنرده آیاسوفیه جامع شریفده کرسی شریفی وجودیله تذلیل ایدن بر جهل مرکب ، بر موت ذی حیات جوامع شریفده کی اعانه قوطولرینی کلیسه الرده کی اعانه صندوقلرینه بکزدی . حسب الله و نعم الوکیل !

فتواماب ! نه در بودینک صوچی ! نه در بو شریعتک کناهی ! تبرک محاربه سی ایچین احضار بو یوریان یتیمش بیک کشیک اردوی هایون درت بش کونده ، خصوصیه جزیره العربی باشند باشه استیلا ایتیمش ، بستیون ابنای بشری موت جوع ایله تهدید ایدن ، معصوملری انالرینک قسید سینه لری اوزرنده ، بر دامله سوتدن محروم مملری اغرنده اولدینی حالده اغلایه رق فریاد ایدهرک ملک الموت تسلیم جان ایتدیرن مدهش بر قحط ایچنده نصل تجهیز بو یوریلدی ؟ منبر هایون اوزرنده « من جهاز جيش السرة فله الجنة » تبشیر جلیل رسالتیناه اعظمی شرف افزای سنوح و صاور اولور اولماز حضرت صدیق اعظم در حال قوشوب بتون ما ملککاری درت بیک درهم کوشی حضور قدسیت نشور جناب رحمة العالمینه کتیرمدیلرمی ؟ او منبر معادلن « هل ابقیت لاهلک شیئاً ؟ » سوال شفقت پرورینه او مفخر اصحاب « ابقیت لهم الله و رسوله » جوابی ویرنجیه باعث اولدینی محظوظ جهانقیمتک عکس انواری چشم بصیرت اوننده حالا لمان ایتمکده . او کون منبر هایونک پیشگاه قدسیتنه صحابه کرام حضراتک یکدیگری مسابقه ایدهرک بیغدینی دراهم سیم وزر دکلی ایدی ، که او یتیمش بیک کشیک جيش رسول اللهی در حال تجهیز و احضار ایتدی . یا شمدی بو واعظ جهل و تعصبه اعانه قوطولرینی کلیسه الرده کی اعانه صندوقلرینه تشبیهی خلافت جلیله محمدیه ، شو بقیه سلطنت اسلامه سوء قصد دکلده نه در ؟ جوامع شریفده اعانه صندوقلری ناسیمی امته فرض ایکن ، خارجه قرق پاره ویرن بر دؤنک جامعده ، بیت اللهده جوشان و خروشان اولان احتیاسات علویه دینه سایه سنده بش و حتی اون غموش ویره چکی شهه سز ایکن بوندن ، بو قدر مقدس بر فریضه دینه دن بویله خانانه و منافقانه تشبیهلرله امت محمدی منع ایتمکه چالیشمه نك جزاسی نه در ؟ جهالت ارواح خبیثه کبی حلول ایتیمش ، انه کیمیکه بورونمش او محترم ، او مقدس عمامه دینی قورویه سی ، پارچه لانه سی باشنه صاروب دوغری کرسی دینه چیه شش ، سریر شریعته او تورمش ! « والی الله الاشکاک » کیمی او کرسی ارشاد اوزرنده « دشمن کلسه ده مملکتی ضبط و استیلا ایتسه ینه حجه کیدیه جک ! ینه قربان کسیه جک ! » کیمی « بزم کتابلریم زده زرهلی یازیلمی ؟ » دییور ، کیمی ده « دکیزدن اوزاق . بز انطولی نك بر قیدسندمیز . نه مزه لازم ! » هذیانلرینی صاوور ییور ؟ هم ده زمرة جلیله علما آره سنه قاریشمش اولان بونلر ، بو ، حس انسانی و حیت اسلامیه دن تما ، محروم حسسوز زوالیلا عالم ، فاضل ، واعظ کینیور ! عقل سلیبی تزییف ، قرآن کریمک احکام او امر و نواهیسی تخریف

ایدیورلر !

ملک اسلامی - معاذ الله ! - دشمن استیلا ایتسین ، نه عرض و ناموس قالسین ، حیات دین محو اولسون ، صوکره حجه کیتمک ایچین کال ذلتله دشمنک یاقورینه قاپانه رق مساعده نیاز ایلسین ! بو طرز نعیمه شیطان بیله قائر ایدر ! دشمن بیله آغلار !

فتواماب ! بایرام یا فلاشمدی . لاقاق درت بش ملیون قربان کسیه جک ! وطن اسلام تهلکه ده ! طرابلس غرب ثولومه پنجه لشیور . اولوق کبی اسلام قانی آفیور . بوتون عثمانلی ساحلاری دشمن دوغراسی نوننده بروضه فجع تسلیمیت ایتیمش ! یوزلرجه مرابطلر ، حاجیلر ، عنوانی احراز و بونکله تفاخره نیت ایدنلر تهلکه وطن اندیشه سنی ناموس اسلامیت قیدینی اونوتدیلر . دکیزی قبالی بولونجه قارالره دوشدیلر سورونه ، سورونه کویا حجه کیتدیلر . اکر شرائط وجوبی اجتماع ایتیمش اولایدیلر والله بو قدر استعجال ایتیمش ، تأخیرنده بر بئس کورمز لردی . مقصدی عبادت دکل ، ریا سرادی سعادت دکل مصیبت ؛ قرآنک امری ، اللهم فرمانی تعجیلاً - اعداد قوه ! حفظ دین ! حفظ وطن ! حفظ ناموس ! ایشه بو قدر مهم ، صوکره درجه مستعجل و مبرم بر امر الهی به ارقه لرینی چویردیلر ! بو ، دینی یامق دکل ، تملمدن تحریب ایتمکدر . صلاة ظهیری بر اقوب او وقت ایچنده و خصوصیه ظهرک وقت اولنده صلاة عصری قیلماق (؟) قدر صحیح بر حج ! ایشه بو زواللر ، بو بی خبرلر سلامت طریقک فقدانی نامه اولسون ارشاد اولونمادی ، باری قربان خصوصنده ارشاد اولسون ! اثمائی اعداد قوه فرمان الهیمی نامه دوغرایه ویردیر یلسین ! دفعه اوج و بلکه درت ملیون آلتون طویلا نه جق . بونک یالکیز وجوده کتیره چکی آلتون بیغینی اعداد دین و وطنی تدهیش ایدهرک انتباه دینی و ملیزه شانلی بر دلیل اوله جق . سیاست اسلامیه مزه حیات وقوه لسان حاکمیت مزه طلاقت و متانت ویره جک . روضه مطهره محظوظ ، جناب حق ممنون اوله جق ، اراقة دم بعد الو جویدر بونک شرائط وجوبی یوق ، اعداد قوه شرائط وجوبی میاننده وجوباً شرطدر . بو شرط وجوبی نك تعجیلا ایفا و اکالی فرض اهم و اقدمدر . قربان کسمک بو شرط وجوبی نك تمامی وجودینه متوقفدر . بزه اعداد قوه نامه ترسانلر ، حوضلر ، سوق الحیشی خطوط حدیدییه سی ، اسلحه فابریقه لری ، (ورباط خیل) نامه ده خارالر وجوده کتیرمک . سواری طوبجی نقلیه حیوانلری یتشدیرمک فرض عاجلدر . اعدامزی قهر و تشکیل ایچین ینه اعدامزدن اسلحه آلتور ، زرهلی سپارش ایتک حرامدر . ایشه آنالده فابریقه سنه سپارش ایتدیکمز زرهلی ! دشمن مصادره ایتدی . شمدی بزه قارش ایتکا خدمت ایدیور ! بزم ته مزه شرابنلر ، کوللر یاغدی ریور . حرامده بو دیمکدر . باری بوسنه اولسون الله و رسول الله عشقنه ! سلامت دین ، سلامت وطن حرمتنه ، شو قربان اثماتک خلافت جلیله محمدیه دوغریدن دوغری به مربوط اولان قربان کسه جک بالجمله

طلبه مزایجون فلسفه اسلامی به عائد معلومات اعدادیه شویله طورسون ابتدایه بیه استحصالی استدر مکسزین فلسفه غربیه مباحثندن تدریس خطاسی . مدارس علمیه مزده ایسه سنه لرحه و سائلدن اولان علوم ایله طلبه علمی مشغول ایتک یعنی صرف ، نحو ، معانی ، بیان ، بدیع کبی فوندن افراطیورانه شرح وحاشیه تدریس ایدمک اعتیادی سبیلرله منورالفکر اولان ویا اولمق اوزره بولنان کنجلمن عقائد اسلامی و سائر حقایق دینی حقیقه مطلع و تمامیه واقف اوله ماملرندن بالضرور سنه لرحه شهملر ، ترددلر ایچنده امرار حیات ایدیورلر . شایان تأثر بر نقصاندرکه فلسفه غربیه دن باحث بر کتاب اوقویان ویاخود مطالبه ایدن برکنج فلسفه اسلامی ییده بیلیمک مجبوریتنده برانیور ایسه ده اوروپا فلسفه سنک خطالری رد و تصحیح ایتک اوزره فلسفه اسلامی به مخصوص بر کتاب آریور ، مع التأسف بوله میور ، طانیدینی علمایه مراجعت ایدیور . علما نکه اکثریسی لسان بیلیمه منزک سبیلله فلسفه غربیه دایر یازلمش آثارک مندرجاتندن و قیله خبردار اولوبده فلسفه اسلامی به مغایر اولان جهت لری جرح وابطال ایتک متصد عالیه ابتناء ثبوت لازمده بولند قارندن حقیقه جواب ویره میورلر . ایسته بو سبیلله اوکنج سنه لرحه شهملر ایچنده یاشایور .

رشادتماب افندم ،

معلوم ولی التعمیلریدرکه بش یوز سنه مقدم تألیف ایدیان کتب کلامیه و فلسفیه نک محتوی اولدینی مباحث و مسائل زمانمزده کافی دکدر . بوکون اسکی سوفسطاییه لک یرنده دهشتلریله حکملرینی اجرا ایدن مادیون و طبیعون واردر . واقما دهیون ددی کمز کیمسه لر اسکیدنده موجود ایسه ده بوکون آنلرک یرنده قائم اولانلرک قبول ایتدکری عقائد بشقه لشمشدر . وظائف مهمه علمیه دندرکه و قیله اسلاف کراممز عصرلرنده موجود اولان عقائد باطله اربابنه اقتناع و الزام ایده جک ادله بی جامع کتابلر تألیف ایدرک وظائف علمیه بی حقیقه و تمامیه فصل اجرا ایتدیله ایسه علمای حاضره زمانمزده موجود عقائد باطله بی دلائل مقننه ایله رد و بو صورته تابعلریک فکرلرینی تصحیح ایدرک ارشاد وظیفه سیله اویلاجه موظف و هیئت عمومیه علمیه اعتباریه بو مباحثی حاوی کتابلر نشر ایتدکله مکلفدرلر . کال فخر و مباهاته عرض ایدرکه فلسفه غربیه نک خطالرینی تصحیح خصوصنده یران کرام و مشایخ عظام حضراتی طرفلرندن تألیف ایدیان وزمانمزده کتب صوفیه و متصوفه عنوانلرینی آلان آثار مرغوبه و کتب معتبره ذکر و بیان یریلان مسائل فلسفه نکه پک بویوک خدمتی اوله جقدر . معلوم رشادتماب لریدرکه بوجهت نظر دقته آلدینی تقدیرده تکایای شریفه ایله مدارس علمیه احبابندن بهضیله آره لرنده اوتهدن بری دوام ایدن نزاع لفظی و صوری رفع وازاله ایدیه جکدر . بوکا موفقیتک قیمت قدسیا سیده مستغنی عن البیاند .

فضیلتاماب افندم ،

معلوم عالیریدرکه کافه احکامی عدل و اعتدال اوزره مؤسس

اهل ایمان طرفندن - بر دفعه ایچون اولسون - دونمیه ویرلمسی فتوای حق و حقیقی تسطیر بیورملری عموم دین قارده شلم نامنه متأثرانه نیاز واسترحام ایلرم !

برنجی سیار طوبی آلائی مفتیسی

محمد فخرالدین

صراط مستقیم - نه اولوردی مسلمانلر بتون فرائض و واجباتی ادا ایتدکله برابر عین نسبتده اولسون وطن اسلام ایچونده فداکارلق و جونی حس ایتسه لردی ! بزم فکر مزجه حجه ده کیتسه و نلر ، قربان ده کسونلر ، فقط وطن اسلامی صلیک استیلا سندن محافظه ایچون ، دیگر فرضلر ، واجبلر یاننده « واعدوا... » فرمان سهیحانیسی ده کمال تهالکله ایفایله و نلر . ایسته بوخصوصده مسامحه کار دورانیلدینی ایچوندرکه خلوص و صمیمیتلری فداکاران وطنجه تردد و اعتراضی موجب اولبور .

آچیق مکتوب

شیخ الاسلام افندی حضرتلرینه

فضیلتاماب افندم ،

مقام جنیل مشیخه هیلرینک پک عالی و قدسی اولدینی ، علویت و قدسیتی نسبتنده وظائف مقدسه بی بولندینی حقیقه بیان افراد امت هر زمانده علی الخصوص دور دلارای مشروطیتده علمای ذوی لاترامک هر درلو ترقی و تعالیمزک بيشوا ورهبر اولملرینی ارزو ایدیورلر . شبهه سزدرکه بو آرزولریده برحق مشروعدر . چونکه (العلماء أمثال الله علی خلقه) (العلماء ورثة الانبیاء) کبی پک جوق احادیث نبویه ایله شان عالیری بیان بیوریلان علما نک وظائف مهمه سندن بر قسمی اعلائی دین ، سعادت امت ، اعمار مملکت کبی مواد عمومیه ده ، مادی و معنوی وظائف اجتماعی و خصوصیه ده افراد اسلامی به ارشاد ، عکسینی التزام ایدنلری اخطار ، حیات اسلامیته ، بقای انسانیتک ، دوام بشریتک مقتضیاتندن الی یوم النیمة ایقظدر .

فقاهتماب افندم ،

محبت ملیه و دینه مک سوقیله و حسن نیتله یازیلان شو یازیلم احتمالکله اصحاب افراط و ارباب تقریطدن اولانلرک خوشلرینه کیمیه بیلیر . فقط ارباب فضل و کمال و اصحاب اعتدال دن بولنانلرک ممنون اوله جقلرندن ، علی الخصوص مخاطب فضیلتامابیم اولان ذات عالیدرلری غوامض دینه و واقف ، حقایق اسلامی به مطلع اصحاب اعتدال دن بولندیگنر جهتله شوراده عرض ایده جکم امنیه خیریه مک حسن نتیجه به اقتران ایده جکندنده امینم . معلوم فاضلانلریدرکه احکام جلیله اسلامی به فلسفه حقیقیه بی ، تربیه اجتماعی و خصوصیه بی بحق محتویدر . افراد حاضره اسلامی به ایسه اکثریت اعتباریه بو حقایقندن غافلدر . اوروپالیر ایله اختلاطمزدن بری ، کشاد ایتدیگنر مکاتبده